



БУЛГАН АЙМГИЙН ЗАСАГ ДАРГЫН
ЗАХИРАМЖ

2022 оны 11 сарын 29 өдөр

Дугаар А/732

Булган сум

Барилга байгууламж ашиглалтад оруулах,
өмчит бүртгэж авах тухай

Монгол улсын засаг захиргаа, нутаг дэвсгэрийн нэгж, түүний удирдлагын тухай хуулийн 60 дугаар зүйлийн 60.1, Барилгын тухай хуулийн 35 дугаар зүйлийн 35.1,6 дах заалт, 49 дүгээр зүйлийн 49.1, Архив, албан хэрэг хөтлөлтийн тухай хуулийн 16 дугаар зүйлийн 16.4, 17 дугаар зүйлийн 17.1 дэх заалт, Монгол улсын Засгийн газрын 2021 оны 212 дугаар тогтоолоор батлагдсан "Барилга байгууламжийг ашиглалтад оруулах тухай дүрэм"-ийг тус тус үндэслэн ЗАХИРАМЖЛАХ нь:

1.Булган аймгийн Баян-Агт сумын төвийн ундны цэвэр усны эх үүсвэр, усан сан, шугам сүлжээний барилга байгууламжийн гүйцэтгэл нь ажлын зураг төсөл, норм дүрэм, стандартын шаардлагад нийцэж байгаа нь барилга байгууламжийг ашиглалтад оруулах комиссын 2021 оны 12 сарын 23-ны өдрийн 20/2021 дугаар дүгнэлтээр батлагаажсан тул ус, дулаан дамжуулах төвийн зориулалтаар 2021 оны 12 сарын 23-ны өдрөөс байнгын ашиглалтад оруулсугай.

2.Энэхүү барилга байгууламжийн туршилт тохируулгын хугацааг 2022 оны 12 сарын 23-ны өдөр хүртэл тооцох ба энэ хугацаанд гүйцэтгэгчийн буруугаас шалтгаалсан эвдрэл, гэмтлийг тухайн ажлын гүйцэтгэгч "Хөх тавилан" ХХК-ийн хөрөнгөөр засуулах ажлыг захиалагч Газрын харилцаа, барилга хот байгуулалтын газар (Ү.Бямбасүрэн), ашиглагч Баян-Агт сумын ЗДТГ-ын дарга (Г.Түвшижаргал) нарт даалгасугай

3.Барилгын ажлын зөвшөөрөлд заасан нөхцөл, зураг төслийн дагуу гүйцэтгэснийг баталгаажуулсан эрх бүхий байгууллагын ашиглалтад оруулах комиссын дүгнэлтийг үндэслэж, ажлын долоон өдрийн дотор ашиглалтын гэрчилгээ олгож ажиллахыг Мэргэжлийн хяналтын газар (Б.Батболд)-д үүрэг болгосугай.

4.Барилга ашиглалтын дүрмийг чанд мөрдөж, барилгын хувийн хэргийн хөтлөлтийг тогтмолжуулан барилга байгууламжид дур мэдэн өөрчлөлт хийх, ашиглалтын горимыг зөрчихгүй ашиглахыг Баян-Агт сумын ЗДТГ-ын дарга (Г.Түвшижаргал)-д даалгасугай.

5.Ашиглалтад оруулсан барилга байгууламжийн баримт материалыг холбогдох хууль тогтоомжийн дагуу зөвхөн эх хувиар нь хүлээн авч архивийн нэгж үүсгэн хадгалахыг Төрийн архивын тасаг /Д.Батсайхан/-т, тус барилга байгууламжийг орон нутгийн өмчид бүртгэж авахыг аймгийн Орон нутгийн өмчийн газар (Т.Баттулга)-т тус тус үүрэг болгосугай.

6.Ашиглалтад орсон барилга байгууламжийг Барилгын тухай хуулийн 14 дүгээр зүйлийн 14.3, 14.6 дах заалтын хэрэгжилтэд хяналт тавьж ажиллахыг Газрын харилцаа, барилга хот байгуулалтын газар (Ү.Бямбасүрэн)-д даалгасугай.

ЗАСАГ ДАРГА

Б.АРИУН-ЭРДЭНЭ

6322011016